

Powšitkowne WOZJEWJENJA

njedźelu, 4. julija 2021

Wusyłanje Božeje mše

Serbskorěčnu Božu mšu móža wěriwi tutu njedźelu, 4. julija, znowa jako livestream w interneće scěhować. Wona přenese so w 9 hodź. z Chróšćanskeje cyrkwy. Link na nju je pod www.posol.de a na wosadneje stronje podaty.

Próstwa wo podpěru za južnu Morawu

Tornado je štwórtk, 24. junija, někotre gmejny na južnej Morawje domapyał. Při tym přisadzi znajmjeńša pjeć wosobow swoje žiwjenje, 200 bu zranjenych. K tomu nasta hoberska materielná škoda, sobu najhórša w gmejnjach Lužice, z kotrejež pochadžeše přećel Serbow monsignore Josef Šindar (1933–2013), a w Mikulčicach. Wjele škody počerpještej tohorunja wsy Hrušky a Moravská Nová Ves. W Hruškach je połojca domskich dospołnje zničena, murje steja bjez třěchow a woknow, cyrkwi pobrachujetej wěža a třěcha. Mnozy budu na dlěši čas w prowizoriskich přebytkach žiwi być dyrbjeć. Na zakładze toho prosy Towarstwo Cyrila a Metoda z.t. (TCM) wšěch naležnje, zo bychu potrjechenych na Morawje financielnje podpěrali.

TCM je ze swojej akciju „Łužica pomha“ po wudyryjenju katastrofy zwisk do Brnjanskeje diecezy na Morawje nawjazala. Tuta dary z Łužicy potrjechenym wosadam posrědkuje. Pjenježne dary móža so na konto Cyrill-Methodius-Verein e.V., IBAN: DE 65 750 90 300 000 828 23 66, pod hesłom „Morawa“ přepokazać. Štóž swoju dospołnu adresu poda, tomu wustaji TCM darowansku kwitowanku.

Prózdnińska jězba za džěci do Zehrena

Dekanatne dušepastyrstwo džěci přeprošuje šulerki a šulerjow 5. do 8. lětnika w lětnich prózdninach na jězbu do Zehrena blisko Mišna. Wona wotměje so wot pónđzele do pjatka, 23. do 27. awgusta. Swójski přinošk na wobdźělnika wučinja 100 eurow. Přizjewjenja přijimaja hač do njedźele, 18. julija, ale jeničce online. Link na wotpowědnu stronu je pod www.posol.de wozjewjeny.

Gig-festiwal w Róžeńće

GiG-festiwal (GiG steji za „God is Good“) wotměje so sobotu, 10. julija, w Róžeńće. Tež lětsa wobdźěla so zaso znaty ameriski DJ Joe Melendrez a hudźbne skupiny a spěwarjo z tu- a wukraja. Zastup budže wot 17 hodź. Kaž kóždy lěto je wón darmotny. Organizatorjo pak zwjesela so z pjenježnych darow. Koncerty zahaja so we 18 hodź. Wjersk ma w 22 hodź. wustajenje Najswjećišeho na jewišću a čah swěčkow być. Hygieniskich předpisow dla so na městnje kontaktowe daty hromadza. Kóždy měl sej přikryw abo stólc k dodržerženju wotstawkow sobu přinjesć. Wo čelne derjeměće so tam postaraja. Njedźelu, 11. julija, w 10.30 hodź. su wěriwi na Božu mšu z patrom Paulusom Tautzom do Róžanta přeprošeni.

Młodostni na jězbu do Oberammergauwa přeprošeni

Dekanatne dušepastyrstwo za młodzinu přeprošuje serbskich młodostnych klětu w meji na zhromadnu jězbu do Oberammergauwa na předstajenje swětoznatych passionskich hrow. Wotjědu pjatk, 6. meje, nawječor a wróca so njedźelu, 8. meje, wječor. Jónkrótnje móža sej młodostni ze wšeho swěta w starobje 16 do 28 lět tamnišu generalu wobhladać. Z tym dóstanu zastupny lisćik za 24 eurow, kotryž hewak znajmjeńša 150 eurow płaci. Po předstajenju změja přiležnosć, so z dźiwadźelnikami rozmołwjeć. Nimo toho postaraja so Oberammergaučenjo wo kwartěry a zastaranje za přihódnou płaciznu. Zastup, zastaranje a nóclěh budže dohromady něhdźe 70 eurow płacić. K tomu přińdu kóšty za transfer. Dalše informacije su pod www.jugendtage-passions-spiele.de wozjewjene. Přizjewjenja přijimuje Worklečanske dekanatne młodzinske dušepastyrstwo hač do srjedy, 21. julija, ale jeničce online. Link k tomu je pod www.posol.de podaty. Městna su wobmjezowane.

Duchowna hudźba

W Budyskej tachantskej cyrkwi zaklinči tutu njedźelu, 4. julija, we 18 hodź. duchowna hudźba, hłownje ze znatej twórbu Johanna Sebastiana Bacha „Passacaglia a fuga c-Moll“. Na wideju předstaji so k tomu rejwanska scena. Z tutym pišćelowym koncertom rozžohnuje so cyrkwinskohudźbny direktor Friedemann Böhme po 32 lětach doškónčnje z tachantskej wosadu swjateho Pětra. Wšitcy su wutrobnje přeprošeni.

Serbske kemše w Drježdźanach

Drježdźanscy Serbja su na maćernorěčnu Božu mšu tutu njedźelu, 4. julija, w 16.00 hodź. do cyrkwe swjateho Antonija w Drježdźanach-Löbtauwje, Bünauska 10, přeprošeni. Kemše změje farar Gabriš Nawka. Snano přizamknje so po tym zhromadna bjesada.

Z busom do Krupki kemši

Na putniku Božu mšu srjedu, 25. awgusta, w 10 hodź. w Krupce pojedže zaso bus. Štóz chcył sobu jěć, měł so w Šmitec wozydłownistwje w Radworju přizjewić, telefonowe čisło (03 59 35) 28 60.

W Róžeńće modlenje před Najswjećišim

Na modlenje w serbskej a němskej rěči před wustajenym Najswjećišim sobotu, 24. julija, we 18 hodź. su wěriwi do Róžeńčanskeje swjatnicy přeprošeni. Škitne naprawy maja so wobkedźbować.

Pišćelowy koncert z twórbami Jana Cyža

W rjedže Budyskeho pišćeloweho lěca wuhotuje něhdyši organist Berlinskeje katedrale swjateje Jadwigi, z Baćonja pochadźacy Tomáš Žur, pišćelowy koncert w Budyskej tachantskej cyrkwi, a to srjedu, 7. julija, w 19.30 hodź. Zaklinča mjez druhim twórbu serbskeho komponista Jana Cyža kaž tež Johanna Sebastiana Bacha.

Pišćelowy koncert w Ralbicach

Z Rakec pochadźacy Matthias Bensch, kotryž je kantor w Havelbergskim domje, zahraje njedźelu, 11. julija, w 17 hodź. w Ralbičanskej cyrkwi na pišćelach. Zaklinča twórbu Friedricha Nicolausa Bruhnsa, Johanna Sebastiana Bacha, Felixa Mendelssohna Bartholdyja a druhich. Zastup je darmotny. Wšitcy su wutrobnje přeprošeni.

Pytaja hladarku abo hladarja

Dom swjateje Ludmile w Chróscicach poskića džělowe městno pomocneje hladarki, k čemuž njeje wukubłanje trěbne. Mužoj móža so runje tak wo městno požadać, při čimž dže wo dostojne zastaranje a hladanje staršich ludži. Nadrobniše informacije poda nawodnica Mónika Wenclowa, telefonowe čisło (03 57 96) 94 73 30.

Pytaja domownika putniskeje cyrkwe

Klášter Marijina hwězda w Pančicach-Kukowje pyta domownika za putnisku cyrkej w Róžeńće. Městno móhła wosoba hnydom nastupić. Zajimcy měli so w klášterskim zarjadnistwje pola Daniela Richtera přizjewić, telefonowe čisło (03 57 96) 9 94 12, e-mail daniel.richter@marienstern.de.

RALBIČANSKA CYRKEJ SWJATEJE KATYRNY

njedźelu, 11. julija | 17 hodź.

Pišćelowy koncert

A close-up photograph of organ pipes, showing their vertical arrangement and the intricate details of the metal and wood components. The pipes are arranged in a perspective that leads the eye towards the background.

hraje: z Rakec pochodźacy

Matthias Bensch

kantor w Havelbergskim domje

Zaklinča twórby Bruhnsa, Bacha,
Mendelssohna Bartholdyja a druhich.

Zastup: darmotny

Hłowna dróha 27, 01920 Ralbicy